



POLITIKA SPREČAVANJA KORUPCIJE

Dioničko društvo BH Telecom Sarajevo (u daljem tekstu: Društvo) ovom politikom iskazuje opredjeljenost Uprave i svih radnika Društva da se ne toleriše nikakav oblike koruptivnog ponašanja, ili nepoštenja u poslovanju, poštivanje svih principa Kodeksa antikoruptivnog djelovanja.

Primjenom ove Politike i Kodeksa antikoruptivnog djelovanja osigurava se transparentnost, odgovornost i usklađenost sa zakonima, regulatornim zahtjevima i standardima.

Društvo identificira i procjenjuje rizike vezane za korupciju kroz sistematsku analizu i evaluaciju svih poslovnih aktivnosti u okviru procesa Upravljanja rizicima u BH Telecomu.

Načela Politike:

- **Nulta stopa tolerancije** - Uprava i svi radnici Društva se zalažu za primjenu nulte stope tolerancije prema svim oblicima koruptivnih radnji na način da promoviše etičnost i profesionalnost u svakodnevnom poslovanju u kojem su svi oblici koruptivnih ponašanja zabranjeni s ciljem stvaranja uvjeta za jačanje integriteta, odgovornosti i transparentnosti u radu. Nulta stopa tolerancije na korupciju znači reagiranje na svaki oblik korupcije bez obzira na visinu stečene koristi i položaj onoga koji je korumpiran, odnosno provođenje kaznenog progona bez obzira na visinu stečene koristi izvršenjem korupcijskih kaznenih djela.
- **Zakonitost** - Društvo se obavezuje na usklađenost sa svim relevantnim zakonodavnim i regulatornim okvirima, koji se odnose na sprečavanje korupcije.
- **Transparentnost** - U smislu borbe protiv korupcije omogućit ćemo otvorenost u svom poslovanju i dostupnost informacija, kroz jasno definisane procese koji omogućavaju nadzor, kontrolu i odgovornost.
- **Integritet** - Uprava i svi radnici Društva dužni su djelovati s najvećim integritetom i poštenjem i neće se tolerisati nikakav oblik korupcije, uključujući mito, podmićivanje i nepotizam.
- **Edukacija i obuka** - Društvo će kontinuirano pružati edukaciju i obuku svim radnicima o antikoruptivnim praksama, uključujući prepoznavanje i prevenciju korupcije kako bi se povećala svijest i razumijevanje ovih pitanja.
- **Prijavlivanje i postupanje s prijavama** - Uspostavljeni su kanali za prijavu korupcije, pri čemu se poduzimaju sve neophodne mjere kako bi se zaštitila osoba i njen identitet, koja u dobroj vjeri i namjeri i po svojoj savjesti prijavljuje moguću korupciju. Sve prijave će se istražiti na temelju dokaza, a počinitelji će biti sankcionisani prema važećim internim aktima Društva i zakonima. Društvo zabranjuje svaku vrstu odmazde ili diskriminacije protiv osoba koje prijavljuju nepravilnosti. Ovo uključuje zaštitu od otkaza, degradacije, zlostavljanja, prijetnji ili drugih negativnih posljedica a sve u skladu sa Kodeksom antikoruptivnog djelovanja.

Politika sprečavanja korupcije se preispituje u okviru procesa preispitivanja integrisanog sistema upravljanja, najmanje jednom godišnje. Ova revizija osigurava da politika ostane relevantna i efikasna, te omogućava kontinuirano poboljšanje ove Politike.

Uprava i svi radnici Društva bez rezerve i u cijelosti podržavaju definisanu Politiku sprečavanja korupcije.

v.d. Generalni direktor:

Amel Kovačević

Sarajevo, august 2024.